

清代筆記叢刊

初月樓聞見錄

吳德旋著

二

卷之五

三

初月樓聞見錄卷六

清 宜興吳德旋仲倫甫著

陳烈婦。吳人。去郡治五十里而居。其地曰塘村。夫以丐為業。時出外。烈婦常閉門績麻。鄰某甲者。嗜酒而兇。窺烈婦美。思犯之。一日。倚酒徑過烈婦家。問某郎在否。則又曰。某郎又出矣。他日復來。問如初。已乃調烈婦曰。某郎數出。奈若獨處何。烈婦怒。詈甲。甲笑而去。夫歸。烈婦哭而告之。故謀徙避之。夫以及授烈婦曰。彼來汝殺之。烈婦受而藏諸褥。於是其夫適以丐詣郡。甲知之。夜被酒。偽為烈婦夫叩門。烈婦方抱三歲兒乳未寢。聞聲驚疑。置其兒。兒啼掩兒口以聽。甲遂排戶直入。犯烈婦。烈婦以刃殺之。不中。甲怒。取刃及烈婦洞胸死。兒猶以為母寢也。索乳號不已。至旦。鄰婦異之。入視。則赫然死人。反走出告人。一村盡集。獨無甲。羣擬甲殺。譁焉。方甲之殺烈婦而逸也。路輒窮。盡夜不能過一里。鄰村人執以來。夫歸。白縣。鞫得其實。甲伏誅。里有塾師曹叔素。盡出所蓄金。建烈婦祠。圖像以祀。並祀傍近地節婦九人。

呂裁之名章成。餘姚人。明大學士本曾孫也。嘗改輯梁周興嗣千字文。紀有明一代事。詞該而義嚴。早歲與天台陳函輝友善。函輝死。義裁之為文以哀之。見者多為感。

泣。

金壇諸生蔣度臣名進。虎臣先生之弟。性孝友。喜交遊。重然諾。尤愛高節義烈魁奇之士。游京師數年。上自公卿。下逮布衣。任俠待之如一。嘗將知交姓名手錄一冊。題曰第五倫。行人劉子端因事謫戍瀋陽。度臣竭力維護之。與王漢臣各撫其一幼子。聞者無不高度臣之義。而爭為之助。桐城姚君山之父。卒於京師。時君山方困甚。殮殯歸葬之費。悉出度臣。後度臣卒京師。逆旅君山亦為經紀其喪焉。度臣所著有勞人草一卷。此山中詩餘一卷。五七言近體詩數卷。手輯經史百家事類盈尺。名曰墨農。藏於家焉。子衡。字湘帆。善書法。有名。雍正中以歲貢生。選授英山縣教諭。不赴。乾隆初。制府趙公檄試鴻博。上書懇辭。嘗以歐陽信本書體。書十三經。凡十二年而成。總河高公為裝池奏。御奉。旨命武英殿照淳化閣帖式。用棗木版雙鉤鏤。頒發各省。特受國子監學正職銜。後遂以其書立石太學。湘帆長子麟。生而穎異。甫能言。其母王夫人。口授以杜少陵秋興八首。及李長吉義山諸詩。能朗誦之。音韻鏗鏘可喜。八歲讀尚書。即喜辯難。一日忽發議曰。堯之臣不如舜。堯典多吁。舜典多俞。都。又曰。萬章言至於禹而德衰。信然。但非如傳賢傳子之謂。夫舜。匹夫也。瞽瞍至頑。

加以母罵弟傲。舜能格之。鯀四岳所推服者。有聖子。終至殛于羽山。然則鯀之死。非禹德之衰乎。湘帆心異其說。然恐長無忌憚。將涉於堅僻。叱之退。十歲而殤。疾亟時。母王夫人泣謂之曰。兒死。吾與兒偕。麟改容對曰。母烏得有是言。兒稚子耳。母佐吾父。一家興廢所倚賴。烏得有是言。然麟死後十日。其母王夫人亦死。王夫人順天大興人。好讀書。能詩。為其大父中齋所鍾愛。年二十五。歸湘帆先生。卒年四十二。將卒之夕。湘帆問以鬼神事。曰。無之。雖愛我如中齋公。我愛者如阿麟。皆不見也。言訖而逝。

潘孝子稼。先名穠。無錫人。大父嗣菴。以好善稱於鄉里。父讓村。官永順同知。因事下獄。稼先從其父在獄中。發憤力學。尤潛心於宋儒程朱之書。為文日益工。父遣歸。應試。且娶婦。稼先涕泣固辭曰。安有父在獄中。而子歸娶婦。得為人乎。且人患不勤學。一名遲速何足計。此日非兒問名時也。未幾而病卒。既殯。家人檢其篋。得自銘二。曰。學經術。通時事。慎而行。追古人。又曰。人而不孝。何異猩猩。昔聖有言。立身揚名。余小子。稷敢弗力行。力行非難。孝本吾良。力行非易。終始維常。不念我祖父志其傷。其紙尾。署庚戌春三月二十一日。書以自警。又一小盒。封固。乃其父所落齒也。卒時年僅

二十有一云。

朱用霖名議霧。南昌人。父統鎮。明崇禎丁丑進士。知江夏縣。用霖性豪邁。敢大言。見天下將亂。專意結客。招致方外異人。父命師事段太僕。段太僕有異表。鬚長委地數寸許。以好道術。觸神怒。失明。與用霖語。大愛之。更令讀大學衍義諸書。求實用。江夏諸生張若仲。負奇才。精擊刺。用霖與為兄弟交。得其技。用霖年二十一。父卒。江夏遷居南昌。與僧辨文。道士張還初。深相結。而辨文往為邊帥。技勇絕倫。肌膚如削玉。甲申。用霖病。湖上寇迫不能行。辨文縛椅為筍輿。同一鄉人舁之。人見辨文狀貌奇偉。咸怪異。而鄉無賴子。有妄擬用霖橐中裝者。辨文微覺之。日將夕。挾弓矢為嬉游。取水棣插百步外。射之。十發。矢盡中。諸無賴子大驚。皆羅拜去。其明年。左良玉謀破九江。悉師數十萬南下。用霖因九江毛珏帥師。任濟世集其地雄武士。將用柯陳兵遏左師。柯陳相傳為陳友諒後。所居峭壁廣袤。地跨二省。會明三百年。兵征不服。稱悍旅者也。以當事議不合。散去。九江亦隨破。六月。金聲桓入南昌。彭士望者。亦南昌人。少倜儻。立義聲。有大名於時。及是用霖。士望兩人相與謀曰。大亂至矣。坐須此守田宅為乎。立挈妻子走建昌。士望三至寧都。見魏永叔。立談定交。遂同用霖往依焉。已

而相與結廬金精之翠微峰。講易讀史。為易堂。凡八九人。初用霖與士望為親戚。各負才不相能。用霖訪士於樂平王綱。綱曰。子同里彭士望。方今俊傑也。而外求士乎。用霖曰。吾固知之。遂傾身交士望。士望亦故奇用霖。相定交。兩人者。交友遂第一。及遷寧都。士望常出游。用霖以病故。恆家居。率妻子徙冠石種茶。更姓字曰林確齋。所製茶特精妙。遠近名之曰林茶。而危習生者。故與士望為兄弟。習生聞士望居金精山中。乃挈弟靜生來就。相與傭耕入田。或剝樹殼皮為紙。種茶芋。食其家人。而資士望遊四方。朱用霖既家居。益務摧剛為柔。檢樸退讓。雖子弟行。以橫非相干者。勿為較也。戊午八月。病嘔血死。是歲士望游於楚。阻兵不得歸。或以高官達爵餌之。士望去而逃之山中。士望嘗言百數十年間。天下之病。小人中於偽。君子中於虛。君子虛美相高。無實學以撥天下之亂。小人益務於偽。不可救止。故其學以經世為務。然終無所施用焉。初用霖嘗謂士望及魏永叔及永叔弟和公曰。吾衰病。無所用於世。君輩好為之耳。

邱邦士。名維屏。寧都河東人。妻魏氏。魏永叔姊。邦士性不事生產。內外皆倚辨魏氏。家貧。嘗絕炊。其妻屬邦士借米鄰家。久不至。使人覘之。則袖手立塘堦上。看往來。

行人其妻別借米炊之。炊既熟，使人請邦士食。邦士食竟，亦終無一言也。為人高簡，率穆。讀書多元悟。尤精泰西算易數歷法，皆不假師授，冥思力索而得之。桐城方密之，歎為神人。藥地大師謂邦士高悟，不從人間得。青州翟君以翰林院出知韓城，傲僻苛暴，獨禮迎邦士，講易數。邦士著易數書，偶乏紙，即用牌票紙背書之。翟君悉以錦軸裝潢其草稿，敬事如師禮。而暴亦為少霽。所著易勸說易數歷書，皆垂成未竟。他時文襟古文各百數十篇，邦士為文，深思窮力，一字不輕下。嘗數月數日不成篇。既脫稿，隨手散漫，或為鼠嚙去。或人傳覽相失，亦不自惜也。初邦士年二十三，補弟子員第一。督學侯公峒曾奇賞其文，再試皆第一。而邦士生平亦最得意自所作時文後，棄諸生服，同易堂諸子隱翠微山中。時人高之。邦士居常不毀一人。然尤未嘗輕服人。獨私語其妻曰：「吾所服，永叔耳。」嘗館同邑謝氏，謝問曰：「君於儕輩人，何所服？」曰：「吾生平服魏永叔一人。」顧嘗貽永叔書曰：「拒諫飾非者，大惡也。不拒諫而嘗自拒諫，不飾非而嘗自飾非，尤惡之惡也。足下不幸，以敢於自信自處，有故而持之益堅，拒諫飾非，蓋有如此者。」易堂諸子見之，大駭異，謂此邦士生平所未有。而永叔乃益自喜，以為他人所不能得之邦士者也。己未九月，病噎不食，垂死，書示子成鉢曰：「食。」

有菜飯。著可補衣。無譎戾行。堪句讀師。書竟。擲筆而逝。先是淮海閻氏。以椿蘭一足。將書。求為其妻銘墓。未作也。死之先一日。邦士命家人取蘭出曰。以付永叔。還淮安。閻氏時永叔方就醫秦和。未歸家也。廣東陳恭君元孝。為彭士望言。吾游羅浮。經絕壁。人力所不到處。仰視有邦士二字。橫勒丹壁。蓋不得其解云。

休寧吳傳鼎。字禹存。一字雨岑。隱吳門楓江之市。雨岑幼失怙。廢學。長而自力於學。問好延納文士。於賢人隱君子尤尊敬之。吳門高士徐昭法。不輕受人贈遺。雨岑饋之。輒受不辭也。雨岑年六十。家人將觴客焉。雨岑曰。吾將歸故鄉。以是費為祖宗祠墓費。吾六十善病。不於此時一拜先隴。更何待耶。乃歸而倡建始祖祠。修五世以上墓。拜故舊之隴而酌之。不令其子孫知。事竣力疾游黃山而後返焉。初雨岑之父曰紹素。嘗刲股療親病。雨岑少時。紹素病。亦刲股以療焉。雨岑之妹死。有遺子女。並婚嫁之。如己出也。雨岑嘗出游。僦小舟。問舟子曰。幾何錢。曰。數若干耳。雨岑曰。米貴甚。如是。汝安得活。乃增其直。以是得長者稱云。

歙陳仲熙。名文傳。明象山縣知縣宗哲孫。中書舍人道中子。少孤貧。獨與母居。從父知州某。無子。欲養仲熙為子。令母子得存活。其母將許之。仲熙不可。曰。吾祖父世德。

不幸中落。吾一身責甚重。遑敢後他人乎。從父大奇之。年十三。請於母曰。兒願棄書學商賈。母守此坐。饑寒死也。母以幼不許。既冠。適吳越。北走大梁。西游汾晉。出燕冀間。貧困如故。歸經河西務。仲熙世家子。讀書不習賈事。上稅不中約。吏持短長白之官。官召訊。驚下座。執其手曰。吾而祖象山公。所得士也。君竟貧至是。因厚贈以歸。已而之揚州。業鹽筴。致貲巨萬。母年老善病。仲熙侍藥。半歲不怠。至刲股以食。卒不起。久之歎曰。吾所以遠服賈者。為養母也。母既卒。家人饒衣食。吾復何求。遂家居。不出。專行利濟人事。為人贍婚嫁。治橋梁道路。歛饑。出粟千斛賑之。饑民有誤就盜食者。有司擒獲。仲熙憐而白之。全活甚眾。葬族人十有七喪。蠲千緡。脫友人於獄。初。仲熙行賈時。益好學。往還數千里。必束書百卷自隨。其刲股療母。親黨欲聞諸官。仲熙力止之曰。刲股非經也。且吾愛吾母。豈以為名乎哉。初。仲熙同里任翁。為女擇壻。難其人。一日會飲里中。見少年。短後衣。未坐者。數目之曰。誰家兒耶。主人曰。是程中書子。任翁明日遣媒。始通意。字以女。納采之日。任氏姻族來觀禮。日午。使者奉筐升堂。啟視。則舊束帶。破琴各一。姻族皆掩口笑。任翁喜曰。吾聞程氏家無長物。獨其先僉事公帶。都御史破琴。為宗器。不輕與人。今以聘吾女足矣。任氏勤操作。善事姑。稱賢婦。

云。

嘉興黃復仲。名子錫。號麗農。年十五補縣學生。工制舉藝。張公溥。陳公子龍咸器之。後棄諸生服。買松山百畝。構屋其中。所謂杼山玉菴莊是也。復仲與兄清伯相友愛。以玉菴莊推清伯居之。而歲操舟入山。候視清伯卒。復仲意怏怏不自聊。乃挈家入杼山。課子沆及童僕。墾地種瓜。瓜實大如斗。又味甘。遂以為業。而人因名之曰麗農。瓜又以餘暇作畫。間常行阡陌。蔭長松下。臨清溪。興至輒寫以自娛。久漸名於遠近。遠近人爭購之。寶而藏焉。晚客越中卒。遺命沆曰。歸我喪於杼山。與伯兄同葬。沆從之。

蔡惟明。名德馨。吳人。天資靜素。不慕富貴。長就學。厭為時文。乃從劉原起學畫。是時吳中畫家。原起最稱有師法。蓋原起師錢穀。穀師文待詔徵明。凡一木一石。皆極有程度。時從原起游者數十人。而原起所稱許。獨惟明。及欽貢士揖。兩人而已。原起時稱惟明於鄰長者朱化。凡化凡因妻以女。化凡目失明。精日者術。常屬惟明視卜。惟明遂研精易學。與陸高士坦數相講論。為忘形之交。久之貧甚。或勸惟明向婦翁求分財。惟明笑曰。奈何為人子壻而爭其財乎。吾不願聞矣。然惟明畫既有名於時。人

求軌應之。不能持聲價為市。故終其身貧困以死。欽揖。崑崎多奇。好讀儀禮。離騷。莊子。管商諸書。放言自得。不可一世。人然。獨心折惟明。事之於師友之間。

新城涂允恒。名大詔。明吏部尚書國鼎之孫。允恒早慧。尚書絕愛憐之。年十五。試童子第一。尚書每之官。戒子孫毋得關外事。允恒日鍵戶讀書為文。文日益有名矣。

國朝順治二年。尚書既殉節。允恒棄諸生服。居村落中。依竹結亭屋。藝圃種菜。賦詩自遣。時習古法書行楷。得米元章筆意。晚益好讀書。而少著述。取少時所作詩古文盡焚之。嘗戒其友魏永叔曰。名者禍之階。不可令太盛。獨刪輯函史上下編。元明史要補。課子時務諸策。藏於家。

常熟顧剛中。名柔謙。年二十。補學官弟子。督學倪公元珙。御史祁公彪佳。皆器識之。剛中不妄交游。以父執事馬文忠公世奇。師事舅氏華鳳超先生允誠。而江陰黃介子先生毓祺。嘉定黃蘊生先生淳耀。皆一見定交。與同邑徐瞻淇先生澳尤相友善。諸君子既先後死難。剛中皆設位以祭。為詩文弔之。哭盡哀。既而剛中子祖禹見剛中常閉門默坐。或竟日不食。則叩頭寬譬剛中。剛中乃曰。汝能終身窮饑。不思富貴乎。祖禹應曰。能。汝能以身為人。凡上肉。不思報復乎。祖禹應曰。能。剛中乃大喜曰。吾

與汝偕隱耳。遂自名曰隱。字曰耕石。署其室曰伐檀。所著有補韻略六書攷定十餘卷。和蛩草山中吟。潮東雜咏。釣濱集。平山稿。耕石草。皆藏於家。祖禹性沉敏。有大略。善著書。撰方輿紀要一百二十卷。其書言山川險易。古今用兵。戰守攻取之宜。興亡成敗得失之迹。所可見。而景物游覽之勝。不錄焉。歷代州域形勢凡七卷。南北直隸十三省凡七卷。川瀆異同凡六卷。天文分野一卷。

徐孝先。杭州人。好飲酒。工詩。有先世所遺田宅。棄之而寄食寢於友人家。衣敝衣。著麻布帽。於富貴人。即言論不肯一及。惟與同州施贊伯交最善。孝先疾惡嚴易。見人短。常面斥人。人以此畏之。而贊伯氣宇和平。人以比之光風霽月焉。贊伯居錢塘之河渚。河渚地多流泉。人務稼穡。贊伯以為有幽風之遺。故名其所著詩曰幽居詩草。述河渚景物土俗林泉村落四時之態。與人所作業畧備。其詞氣充悅。讀者悠然見有道之容。而孝先則憤鬱激痛之言。十居八九矣。

洪亭玉。歙人。僑居無錫之鴻山。鴻山相傳漢梁鴻隱居處。亭玉慕焉。而築草堂其下。亭玉世家子。好交游。於朋友重氣誼。治經術而不求榮達。時人歸高焉。

錢塘汪魏美。名澍。明崇禎己卯舉人。自為諸生。與人落落難合。不喜結納聲勢為名。

高時人以汪冷目之。錢太守妻之以女。盛飾入門。魏美從容謂其妻曰。吾本寒儒。得連嫻貴室。所望知禮義。孝事姑嫜。和先後足矣。侈簪珥綺繡之飾。無庸也。錢氏於是去服飾。屏侍婢。以疏布親操作。乙酉。魏美執友陸陪自經死。私為文祭之一慟幾絕。內嫻欲強魏美試禮部。出千金。視魏美妻曰。能勸夫子駕。則畀汝。對曰。吾夫子不可。勸。吾亦不受此金也。當事或割俸金為魏美壽。不得却。坎而埋之。里貴人請銘墓。百金拒勿許。自是嘗出游。所遇多異人。高士。晚好道。能數日不食飲。有授黃白術者。試之驗。尋棄去。教以驅役鬼神。亦驗而棄之。魏美病痰咳五月餘。一日晨起。視日曰。可矣。命子蓮具紙筆。書五言詩十句。投筆就寢而逝。詩曰。大化無停軌。道術久殊轍。佳世守頑形。問途猶未徹。至人本神運。可會不可說。冰泮水還清。雲開月方潔。一旦破樊籠。逍遙從此別。魏美卒時。年四十有八。初魏美奉母陳氏與某孝廉同僑居嵯縣。孝廉故負重望。日蘄蘄言名義。魏美欲依以終隱。母竊聞其議論。窺其人。召魏美謂之曰。客貌恭而心多嗜欲。汝不決去。恐終相牽引為患矣。遂徙天台之石梁。其後某孝廉果不終。魏美之死。母哀痛甚。不能出聲。已而大呼曰。兒無憾矣。稍稍起居如平時。先是鄰有鬻子以償官逋者。其妻號而沉於水。或救之。母延至舍。悉出簪珥贖之。

明日端午節。母編蒲葉為簪。帶之。村婦見而效焉。呼曰壽姑簪。其後益傳相放效。遂成風俗。

曾青藜。名燦。原名傳燦。寧都人。明太常卿應遴子。方明季多故。青藜思以功名自見。折節下士。士論翕然歸之。崇禎甲申。明亡。其明年。清江文正公楊廷麟起兵保吉贛。又明年。薦青藜監四營軍。四營兵潰走雩都。青藜率胥役二十餘人屯江上一晝夜。會追兵至。不及三里而返。文正公以軍令檄之歸。手書相勞曰。此古大臣風烈。不謂門下年少輒如是。贛破。青藜薙髮為僧。遨遊閩越間。父同年生龔芝麓以書勸青藜就功名。勿應。大母陳母溫念之成疾。始歸謁省。以大母命受室。築六松草堂躬耕不出者數年。青藜幼有能詩名。選海內名家詩二十卷。號過日集。僑居吳下二十餘年。著西崦草堂詩。復客游燕市以卒云。初。青藜與魏冰叔謝君求為友。三人者深相結也。青藜有妓。誓以老。冰叔排絕之。不能得。君求謂冰叔曰。曾子於子言。無不悅。今感矣。夫惑於情者。非理所能奪。吾請以身與之。君求日夜從青藜游。偕其妓飲酒燕狎。而青藜之惑解。及青藜監四營軍。將出湖東。君求私謂冰叔曰。四營虎狼也。曾子徒忠誠。亦懼其才之不勝任也。且曾子既為人上。則難以得下之情。予不可不往。時君

求已病甚。後三日死。君求昏革時。不知人。惟大呼曰。殺賊殺賊。君求名廷詔。亦寧都人。

黃修娟。字媚清。貞甫先生季女。七歲能彈琴。八歲能詩。貞甫先生嘗撫之曰。此男也。吾門其大矣。十五適西陵沈羽文。羽文習業之暇。輒就媚清論書史。室後有小竹林。為羽文讀書處。媚清亦時相就。鼓琴自娛。崇禎甲申後。勸羽文棄舉子業。與羽文及諸從子月課為詩。然少不當意。即棄去。今所傳娛墨軒詩存者。絕少也。卒時年五十。夫弟朗思。朗思妻錢如玉。亦能詩。

吳岩子。卞楚玉妻。能詩。家於青山。既轉徙江淮。無常居。有西湖。梁溪。虎邱。廣陵諸集。工書。晚更好道。得奇疾。疾作。則右手自運動。日夜作字不休。或濡筆書紙上。悉成元理。疾止。不復記憶。凡二年而愈。長女元文。工詩詞。次德基。善畫。先後事劉貢士峻度。峻度以豪達稱於揚州。佳士也。

寧都三魏。長祥字善伯。後改名際瑞。次禧字永叔。次禮字和公。兄弟三人。並有才名。於時。故天下稱寧都三魏。三魏皆故明諸生。崇禎甲申。明亡。國朝順治丙戌。丁亥。間。寧都亂。永叔和公並謝諸生。奉父母居翠微山。戚友依而家者甚眾。而善伯為保。

全門戶計。應有司之求。以才名為當路所推重。督撫大帥。皆禮下之。康熙甲申。粵藩遣使來聘。強之行。禮以上賓。卒不合。竊出嶺。至信豐界。為邏者所得。上於攝印官。攝印官問曰。汝與寧都三魏親屬乎。答曰。身魏善伯也。攝印官乃悉燒其同行者雜文。字具讞書。遞至贛。贛大帥見善伯名。大喜。躡履出。握手相與入。遂留為客。時丁巳二月也。四月。吉安韓大任潰圍走。凡兩竄寧都之上鄉。兵寇十萬。還至。蹂躪甚。邑饋餉不支。當事議招撫。久未就。而大任自言。非魏善伯。吾不信也。當事以屬善伯。善伯既痛桑梓禍無窮期。又所聞大任頗為當世豪。亦欲有以全之。遂慨然行。八月。甫至江西。大兵遽從東路逼大任營。大任疑善伯賣己。辭不見。會有奸人欲牽率大任降閩軍。以自成功名者。遂日夜搆於大任。大任既敗。十月十四日。拔營走降閩。善伯遂遇害。年五十有八。時永叔方客維揚。和公同善伯子世傑。夜走上鄉。奉善伯遺體歸殮於翠微山下。世傑痛父死非命。大踊呼。拔小刀自刎。人強持之者再。遂奮拳槌其胸。死血入小腹。腹痛僂不能立。呼號二十日而死。先是善伯客潮州。總兵劉伯祿所時。主者忿潮民不下。克必盡屠殺之。善伯力言於劉。劉叩頭白主者三。乃免。有仕宦竊潮者。法將就戮。善伯力生全之。後其人為大吏江西。善伯值鄉試。不往見。或歎